




Ե Ր Գ

ՏԵԱՌՆ ՆԵՐՍԻՍԻ ԾՆՈՐՀԱԼԻՈՅ ՀԱՅՈՑ ԿԱԹՈՒՂԻԿՈՍԻ ԱՍԱՑԵԱԼ Ի ՊԱԾՏԱՄԱՆ ԳԻՇԵՐՈՅ

Յիշեցուք ի գիշերի զանուն քո, Տէր:

Բխեցեն սիրտք մեր զբան բարի, և լեզուք մեր պատմեցեն զգործս երկնաւոր թագաւորիդ:

Ի մէջ գիշերի յարուցեալ խոստովանեցուք զքեզ, Տէր:

Զաղօթս մեր տացուք քեզ, Տէր, ի գաւիթս քո ի մէջ նոր Երուսաղէմի:

Ի գիշերի համբարձցուք զձեռս մեր սրբութեամբ առ քեզ, Տէր:

Ի ձայն գոհութեան, ամենայն հոգիք, օրհնեցէք զՏէր:

Զարթի՛ք, փառք իմ, զարթի՛ք, և ես զարթեայց առաւօտուց. ալէլուիա:

Զարթի՛ք ընդ զուարթունս, մանկունք վերինն Սիօնի. ալէլուիա:

Զարթի՛ք, որդիք լուսոյ, ի յօրհնութիւն Հօրն լուսոյ. ալէլուիա:

Զարթի՛ք, փրկեալք արեամբ, և տուք զփառս փրկողին. ալէլուիա:

Զարթի՛ք, նոր ժողովուրդք՝ նոր երգս առեալ նորոգողին. ալէլուիա:

Զարթուցեալքս ի զբաղմանէ գիշերային հանգստենէ:

Ծնորհեցէ մեզ մարդասէր Տէր մխիթարութիւն և ի սփոփանս եկեղեցւոյ:

Ահիւ և դողութեամբ կացցուք ի յաղօթս:

Եկեալ խոստովանեցուք զյանցանս:

Եւ գտցուք ի Զրիստոսէ զքաւութիւն և զմեծ զողորմութիւն:

